

---

**Зулфияхоним издошлари ўз иқтидорларини намойиш этдилар**  
Мамлакатимизда 1999 йилда таъсис этилган Зулфия номидаги Давлат мукофоти баркамол, оқила хотин-қизларни аниқлашда муҳим аҳамият касб этмоқда.

Ўзбекистон туманинаги 23-сонли болалар мусиқа ва санъат мактабида Зулфия номидаги давлат мукофоти танловининг туман босқичи ўтказилди.

“Зулфияхоним издошлари” деб номланган тадбир давомида мактаб фойесида ушбу мукофотга талабгор истеъдодли қизларни турли соҳалардаги ижодий намуналари кўргазмаси ташкил этилди.

Қайд этилишича, танлов низомига қўра жорий йилги туман тадбирида ҳам 14 ёшдан 30 ёшгача бўлган 60 нафардан зиёд қизлар 7 та йўналиш бўйича ўз билим, истеъдод ва иқтидорларини намойиш этди.

Комиссия аъзолари томонидан номзодларнинг ижодий ишлари, ютуқлари белгиланган меъзонлар асосида баҳоланиб, иштирокчилар орасидан юқори кўрсаткичларга эришган, эътирофли ютуқ ва мэрраларни қўлга киритган, ибратли жамоатчилик ишлари билан тенгдошларига ўрнак бўлаётган, ноёб истеъдоди ва иқтидори билан ном қозонган ёшлар сараланди. Энг муносиб 7 нафар номзод эса вилоят комиссиясига тавсия этилди.

Тадбир якунида унинг фаол иштирокчиларига туман ҳокимлигининг эсдалиқ совғалари ҳам топширилди.

2024-10-31 10:25:05